



# ILIDŽA

## INFORMATIVNI BILTEN OPĆINE ILIDŽA

Ilidža • Novembar 2017

• Broj 165





## SVEČANA SJEDNICA OPĆINSKOG VIJEĆA

# Svečanom sjednicom Općinskog vijeća Ilidža obilježen Dan državnosti BiH



U povodu 25. novembra Dana državnosti BiH, Općinsko vijeće Ilidža 24. novembra je održalo svečanu sjednicu. Svečanoj sjednici prethodilo je polaganje cvijeća ispred centralnog spomen obilježja kod zgrade Općine Ilidža, te ispred Spomenika borcima NOR-a (spomen-kosturnica) u Velikom parku na Ilidži.

Sjednica je započela intoniranjem državne himne u izvođenju orkestra učenika Osnovne muzičke škole Ilidža, a prigodan govor održao je predsjedavajući Općinskog vijeća Muhamed Omerović.

“Državnost BiH je najprije osporavana od njenih susjeda, a danas to dolazi uglavnom iz manjeg bh. entiteta i snaga koje su u periodu 1992-1995. vršile agresiju i genocide na području BiH, što potvrđuju presude suda u Hagu komandantu Vojske RS, Ratku Mladiću, Radovanu Karadžiću, Slobodanu Miloševiću i svim zvaničnicima i vlastima u Srbiji i manjem bh. entitetu. BiH je na čist i častan način branila i odbranila svoju državnu političku, pravnu opsto-



jnost, nezavisnost, samostalnost i suverenost u višestrukoj agresiji i genocide nad njenim građanima od 1992. do 1995. godine” rekao je, između ostalog, Omerović te prisutne podsjetio na citat iz govora prvog predsjednika Alije Izetbegovića, prilikom dodjele nagrade Američkog centra za demokratiju.

“A to što mi nazivamo Bosnom nije samo parče na Balkanu za mnoge od nas Bosna je ideja, to je vjera da ljudi različitih religija, nacija i kultura mogu živjeti zajedno” što je bila i poruka na sjednici Općinskog vijeća Ilidža.

Načelnik Općine Ilidža prof.dr. Senaid Memić čestitajući Dan državnosti svim građanima Ilidže, Sarajeva, BiH i dijaspore podsjetio je na važnost žrtava i preživjelih pripadnika boračke populacije bez čijeg zalaganja ne bi bilo ni samih prisutnih. Načelnik Memić je istakao da se državnost BiH mora nastaviti samo putem jedinstva i razvoja.

Prigodan program izveli su učenici Katoličkog školskog centra - Stup, Sedme osnovne i Osnovne muzičke škole Ilidža.




**REDOVNA SJEDNICA OPĆINSKOG VIJEĆA**

## Prijedlog odluke o pristupanju izradi izmjena i dopuna RP Centar

Vijećnici su usvojili i i Prijedlog odluke o pristupanju izradi izmjena i dopuna RP Centar. Izmjene i dopune RP Centar odnose se za lokalitet Hotela „Hollywood“ u svrhu preduvjeta za zamjenu postojećeg građevinskog fonda u svrhu izgradnje i promjene namjene postojećeg stambenog objekta u namjenu koja odgovora sadržaju hotela. Visina

objekta ne smije preći visinu susjednih objekata maksimalno spratnosti P+6. Sredstva za izradu plana u iznosu 7.500 KM obezbijedit će Općina Ilidža. Nosilac pripreme plana je načelnik Općine Ilidža, a izrade Zavod za planiranje razvoja Kantona Sarajevo. Na osnovu inicijative “Mrkulic company” d.o.o Sarajevo Općina Ilidža je pokrenula aktivnosti za izmjenju Regucionog plana zbog obezbijedenja planskog osnova za izgradnju objekta u smislu zamjene postojećeg građevinskog objekta.

S obzirom da se predloženim izmjenama bitno ne mjenja osnovni koncept predložena je izrada plana po skraćenom postupku.



### Donesena odluka o usvajanju i provođenju RP Azići II

Općinsko vijeće Ilidža na desetoj sjednici 30. novembra 2017. godine u Multifunkcionalnoj sali donijelo je Odluku o usvajanju i provođenju Regucionog plana Azići II. Izradu ovog plana inicirala je Općina Ilidža, u cilju preispitivanja prostornih mogućnosti za usklađivanje postojećeg stanja sa zahtjevima građana, odnosno stvaranja optimalnih uslova za poboljšanje kvaliteta stanovanja uz poštovanje vlasničkih odnosa. Površina razmatranog prostora je 76,1 ha. Izgradnjom budućih objekata, saobraćajnica i komunalne infrastrukture nije predviđeno rušenje ni jednog postojećeg stambenog objekta. Uklanjanje objekata se odnosi samo na ruševine tj. devastirane objekte u svrhu nove izgradnje, a broj devastiranih objekata namijenjenih za uklanjanje zbog nove gradnje je 50.

### Stipendije za 209 nadarenih studenata i 164 učenika

Općinsko vijeće Ilidža je na sjednici donijelo Odluku o stipendiranju talentovanih učenika i studenata u školskoj 2017/2018. Na raspisani javni konkurs za stipendiranje talentovanih učenika u srednjem i studenata u visokoškolskom obrazovanju, prijavilo se 420 kandidata, od kojih 373 ispunjava uslove. Od toga 164 učenika i 209 studenata dobit će stipendiju Općine Ilidža, a za te namjene izdvojit će se 344.460,00 KM. Visina stipendije ovisi o koeficijentu u zavisnosti od postignutih rezultata i iznose za učenike 78 KM, a za studente, od 78 najmanja do 120 KM.



## Usvojen Gender akcioni plan Općine Ilidža za period 2017-2020. godine

Vijeće je usvojilo Gender akcioni plan Općine Ilidža za period 2017-2020. godine. Gender akcioni plan Općine Ilidža je strateško-planski dokument Općine koji direktno podržava primjenu Zakona o ravnopravnosti spolova BiH na lokalnom nivou i definira ciljeve i mjere za unapređenje ravnopravnosti spolova u lokalnoj zajednici, te potiče budući rast i razvoj općine. Uvođenjem principa ravnopravnosti spolova u razvojnu politiku, strategije, projekte i programe je od posebnog značaja na lokalnom nivou jer je najneposredniji i najbliži građanima. Plan je usklađen sa odgovarajućim strateškim dokumentima i politikama koje se donose na temu rodne ravnopravnosti i lokalnog razvoja i to sa Zakonom o ravnopravnosti spolova Bosne i Hercegovine, Gender akcionim planom BiH, kao i sa drugim strategijama na državnom, entitetskom i kantonalnom nivou. Akcioni plan obuhvata četvorogodišnji period i koncipiran je na osnovu realnih finansijskih mogućnosti za njegovu implementaciju. Nosilac izrade ovog dokumenta su Komisija za izbor, imenovanje i pitanja ravnopravnosti spolova i Komisija za zaštitu ljudskih prava, predstavke i prijedloge.



## Data saglasnost na Program rada JP „Ilidža“ za 2018. godinu

Općinsko vijeće je na sjednici razmatralo i dalo saglasnost na Program rada Javnog preduzeća „Ilidža“ d.o.o. za 2018. godinu. Javno preduzeće „Ilidža“ d.o.o. čiji osnivač je Općina Ilidža pruža usluge komunalnih i drugih djelatnosti od općeg interesa za Općinu. U programu rada za 2018. poslovnu godinu, u cilju podizanja većeg standarda u zaštiti životne sredine na području općine Ilidža. JP „Ilidža“ planira redovno održavanje zelenih površina, mašinsko i ručno čišćenje korita vodotoka i potoka, održavanje javnih česmi, fontana, javnog wc-a i Centralnog spomen obilježja, kao i održavanje uređaja i postrojenja lokalne kanalizacione mreže, održavanje platoa ispred mjesnih zajednica, održavanje zaštitnog pojasa saobraćajnica, čišćenje odvodnih kanala, uklanjanje snijega i leda sa pješačkih staza i platoa, ljetno održavanje makadamskih saobraćajnica, održavanje higijene sportskih igrališta, košenje trave na dječijim igralištima i održavanje metalnih ograda na mostovima.



## Informacija o ugroženosti teritorije općine Ilidža od neeksplozivnih ubojnih sredstava i minsko- eksplozivnih sredstava

Vijeće je u skladu sa programom rada za 2017. godinu primilo k znaju Informaciju o ugroženosti teritorije općine Ilidža od neeksplozivnih ubojnih sredstava i minsko-eksplozivnih sredstava za period januar 2017. - novembar 2017. godine. U informaciji je istaknuto da je na području općine bez rizika proglašena teritorija površine 6.600.000 kvadratnih metara, te da su u toku radovi na projektu deminiranja područja Zoranovića površine 3.045.000 kvadratnih metara za čiju realizaciju je izdvojeno 300.000 KM iz budžeta Općine Ilidža. U ovom periodu je pronađeno i uklonjeno 12 ručnih bombi, šest tromblona, pet granata, 23 komada municije, dvije zolje i jedna protivtenkovska mina. Kad je u pitanju deminiranje u predhodnom ciklusu, Ilidža je bila jedna od uspješnijih općina u BiH.



## Održane javne rasprave o Nacrtu Budžeta za 2018. godinu po MZ

Prema već ustaljenoj praksi i odluci Općinskog vijeća Ilidža donesenoj na posljednjoj sjednici u 16 MZ na području općine Ilidža održane su javne rasprave o Nacrtu Budžeta za 2018. godinu. Građani su imali priliku dati svoje prijedloge, primjedbe, mišljenja i sugestije na Nacrt budžeta Općine Ilidža za 2018. godinu.

Također, građani su imali priliku da pismeno dostave svoje prijedloge za Budžet 2018. godine (putem e-mail-a i mjesnih zajednica). Izrada provedbeno planske dokumentacije, izgradnja saobraćajnica i semaforizacija, izrada vodovodne i kanalizacione mreže u ulicama Butmirska cesta i Plavi put, nastavak regulacije male Tilave, izgradnja sportskih ploha i dječijih igrališta, samo su neki od prioriteta stanovnika MZ Butmir u 2018. iznesenih na zboru građana 6. novembra 2017. godine. Trajno riješiti pitanje vodosnabdjevanja u naselju Donji Kotorac, izvršiti regulaciju vodotoka Tilave, izvršiti zamjenu oglasnih table, neki su od zahtjeva stanovnika MZ Donji Kotorac, rečenih iste večeri. Stanovnici MZ Sokolović-Kolonije smatraju da je potrebno hitno pokrenuti aktivnosti na izgradnji tramvaj pruge Ilidža-Hrasnica, izvršiti rekonstrukciju kanalizacione mreže u ulicama Ibrahima hafiza Riđanovića, djela ulice Francuske revolucije, lijevi krak Nihadije, izgraditi kod dječijeg igrališta u ulici Huseina Đoze plohu za velikih šah na otvorenom, namijenjem penzionerima. Rečeno je to na zboru građana ove MZ 7. novembra 2017. godine.

Neki od prioriteta stanovnika Hrasnica I su: izgradnja putne komunikacije na dionici od platoa parking prostora na mezarju Kovači do spoja sa Igmanskom cestom, asfaltiranje djela ulice Put spasa od broja 8 do 16, rekonstrukcija djela ulice Gaj od broja 18, izvršiti rekonstrukciju djela vodovodne mreže od rezervoara na Igmanu do kuća u ulici Bunica, rekonstruisati i sanirati postojeća dječija igrališta. Na zboru građana MZ Hrasnica II, koji je održan 8. novembra 2017. zahtjevi građana ove MZ su: pokrenuti aktivnosti na

izgradnji tramvaj pruge Ilidža-Hrasnica, nastaviti na legalizaciji bespravno izgrađenih objekata, kao i aktivnosti na izradi RP Kovači, asfaltiranje ulice Ribnjača, projektovanje, izgradnja i dogradnja distributivne gasne mreže u ulicama u kojima nije urađena prema uslovima na terenu.

Usvajanje RP za naselje Pejton, rekonstrukcija ulice Gliše Jankovića, izgradnja niske rasvjete na pješačkoj stazi u ulici Emira Bogunića Čarlija od apoteke do stare željezničke stanice, zatražili su, između ostalog, stanovnici MZ Centar 9. novembra 2017. godine.

U MZ Lužani 9. novembra zatraženo je da u 2018. se postave sigurnosne kamere video nadzora, rekonstrukcija ulice Ramiza Jašara, nastaviti sa asfaltiranjem ulice Karima Zaimovića od broja 5 do broja 18, izgradnja nedostajeće kanalizacione mreže u naselju Vrutci, sanacija oštećenih oglasnih tabli.

U MZ Vreoca samo neki prioriteti su: izgradnja pješačke staze na potezu od raskršća ulica Lužansko polje –Blažujski drum prema magistralnom putu M-17, rekonstrukcija sijaličnih mjesta u ulici Blažujski drum, otvaranje kombi linije Ilidža-Vreoca-Lužansko polje.

Za stanovnike MZ Vrelo Bosne prioriteti u 2018. treba da budu izgradnja kružnog toka na raskršću magistralnog puta M-17-Plandište-Vrelo Bosne, asfaltiranje ulice Mitrići, izgradnja sportske plohe u ulici Bosankih ljljana. U MZ Blažuj građani su iznijeli slijedeće: izrada RP naselja Vlakovo, nastavak rekonstrukcije ulice Remze Ahmetovića, Vlakovo polje, Nadosjek, izgradnja sportske sale za Sedmu osnovnu školu.

U MZ Rakovica: postaviti kamere u ulici Rakovička cesta (kod škole) rekonstrukcija ulica Bistrički put, Gornja mahala, Kakrinjski put, Šamin gaj, nastavak izgradnje druge faze vodovodne mreže, regulacija dijela Zeničkog potoka kao i Rukodolskog potoka. U MZ Osjek prioriteti su: pristupanje izradi izmjena i dopuna RP za prostore gdje nije izgrađena provedbeno planska dokumenacija, čišćenje vodotoka rijeke Zujevine, kao i nastavak radova na regulaciji korita rijeke Zujevine. Rekonstrukcija ulice Trg Oteškog bataljona, asfaltiranje malog parkinga u ulici Fadila Hadžića, izgradnja dječijeg sportskog igrališta, neki su prioriteti stanovnika MZ Otes. MZ Stup: izgradnja kanalizacione mreže u ulici Zabosnice, Bregovi izgradnja mosta na rijeci Dobrinji u ulici Pijačna, nastavak gasifikacije za preostale ulice na području MZ, izrada RP Doglodi, usvajanje RP Azići 2. Izgradnja osnovne škole, rekonstrukcija saobraćajnice u ulici Nike Kolumbića, izgradnja mosta na rijeci Dobrinji, postavljanje klupa na platou ispred ambulanti i MZ, samo su neki od zahtjeva stanovnika Stup II. U MZ Stupsko brdo građani smatraju da u 2018. prioriteti trebaju biti asfaltiranje i rekonstrukcija ulice Munira Gavrankapetanovića na potezu od spoja sa ulicom dr. Kasima Begića do ulaza u Stupsku pijacu, kao i krpaža ulica na području cijele mjesne zajednice, dogradnja javne rasvjete u ulici Džemala Bijedića između zgrade Avaza i Doma penzionera te izgradnja ambulante porodične medicine i apoteke u prizemlju Doma kulture. Podsjećamo, Općinsko vijeće Ilidža na devetoj redovnoj sjednici održanoj 26. oktobra 2017. godine utvrdilo je Nacrt Budžeta općine Ilidža za 2018. godinu u iznosu 24.500.000 KM i uputilo ga je na javnu raspravu.





## U posjeti Sjenici

**D**elegacija Općine Ilidža, predvođena načelnikom prof. dr. Senaidom Memićem posjetila je Sandžak. Prvo odredište 19. novembra bila je Opština Sjenica. Povod posjete je povezivanje i uspostavljanje bolje saradnje ove dvije lokalne zajednice. To se naročito odnosi na razmjenu mišljenja i iskustava iz oblasti privrede, turizma, obrazovanja, kulture, sporta.

Predstavnici Gradske uprave upoznali su delegaciju sa potencijalima ove općine, a i čuli su i razvojne mogućnosti Ilidže te zašto je Općina Ilidža četvrta općina po razvoju u Federaciji BiH, po ocjenama meritornih agencija. Delegacija Općine Ilidža, nakon što je obišla grad posjetila je i Regionalni Centar za razvoj poljoprivrede i sela. Centar raspolaže najsavremenijom laboratorijskom opremom za analizu mlijeka i mliječnih prerađevina.

Tradicionalni peštarski proizvodi: sir, pršuta i suđuk, predstavljaju nacionalne brendove i imaju potencijal da osvoje tržišta Evropske unije. Da bi se potencijal peštarske visoravni iskoristio, potrebno je dodatno ojačati njenu konkurentnost, primjenom savremenih znanja i tehnologija i poboljšanjem kvaliteta, a zajednička mogućnost saradnje jeste apliciranja prema IPA fondovima, rečeno je tokom obilaska centra.

Sjenica je gradić i istoimena opština koja se nalazi u jugozapadnom dijelu Srbije, i po geografskom položaju zauzima središnji dio Sandžaka. Sam grad prostire se sa desne strane rijeke Uvac i smješten je duž rijeke Grabovice, u prostranoj Sjeničkoj kotlini, na nadmorskoj visini 1.000-1.030 m. Po površini, 1.059 km kvadratnih Sjenica je jedna od najvećih opština u Srbiji, a po broju stanovnika oko 30.000 jedna od manjih.

## U posjeti Opštini Tutin

**U**sklopu posjete Sandžaku, načelnik Općine Ilidža prof. dr. Senaid Memić sa saradnicima i predsjedavajući Općinskog vijeća Muhamed Omerović sa vijećnicima, posjetili su 21. novembra Opštinu Tutin. Predsjednik Opštine Tutin Kenan Hot i načelnik Općine Ilidža prof. dr. Senaid Memić razmijenili su iskustva u vođenju lokalnih uprava, a razgovarali su i o mogućnostima konkretnih zajedničkih projekata.

Hot i Memić ocijenili su sastanak vrlo konstruktivnim, ističući da bi razmijenjena mišljenja trebala biti vrlo pozitivna u praksi.

Načelnik Memić je da rekao Tutin ali i sve lokalne uprave, trebaju pomagati uspješne privrednike koji znaju svoj posao, a oni će pomagati razvoju opštine.

„Takođe treba ulagati u rješavanje problema sa vodosnabdjevanjem, elektromrežom i putnom infrastrukturom, jer su to pitanja koja, iako je 21. vijek, muče stanovnike obje općine” dodao je Memić.

Nakon službene posjete Opštini Tutin načelnik Memić i predsjedavajući Općinskog vijeća Muhamed Omerović, zajedno sa čelnicima Opštine Tutin posjetili su porodicu Šemsudina Kučevića, tragično nastradalog prvog čovjeka Opštine Tutin, koji je na čelu opštine bio od 1996. godine.



## Gosti Bošnjačkog nacionalnog vijeća u Novom Pazaru

**D**elegacija Općine Ilidža predvođena načelnikom prof. dr. Senaidom Memićem 20. novembra 2017. godine upriličila je posjetu Bošnjačkom nacionalnom vijeću. Dočekao ih je predsjednik Sulejman Ugljanin, koji je istakao da saradnja sa Općinom Ilidža postoji već dugo, te da je susret samo nastavak dobrih odnosa sa jednom od najuspješnijih općina. Ujedno je pozvao predstavnike Općine Ilidža na svečanu sjednici, koja se održavala u povodu Dana Sandžaka.

„Glavni cilj Bošnjačkog nacionalnog vijeća je da mi kao legalni i legitimni predstavnici Bošnjaka u Srbiji izgrađujemo dobre odnose i saradnju po svim zajedničkim pitanjima sa svim Bošnjacima sa prostora bivše Jugoslavije. Mi smo dio jedinstvenog zajedničkog korpusa i u tom smislu uspostavljamo saradnju. Imamo zajedničkih interesa i radit ćemo na tome”, poručio je Ugljanin, podsjećajući sa kojim institucijama Bošnjaka je BNV uspostavio saradnju u prethodnom periodu.

Načelnik Općine Ilidža prof. dr. Senaid Memić istakao je bitnost pripadanja nacionalnom korpusu kazavši da se moraju imati jake veze, koje se ne mogu izgraditi pa da ostanu već se moraju stalno pojačavati.

„Došli smo ovdje da naučimo i pokažemo otvoreno i široko srce ispred lokalne zajednice na Ilidži, koja je jedna od najboljih u BiH, koja je jedna moderna zajednica sa 100.000 stanovnika. U međusobnim odnosima nemamo kalkulacija sve što je u opštem interesu treba da donesemo ovdje, odnosno da ponese odavde”, rekao je Memić. Delegaciju su činili Muhamed Omerović, predsjedavajući Općinskog vijeća Ilidža, dopredsjedavajući Dževad Poturak i Edin Hošić, te Alma Muratović vijećnica Općinskog vijeća Ilidža. Bošnjačko nacionalno vijeće je 20. novembra održalo svečanu sjednicu povodom Dana Sandžaka. Dan Sandžaka obilježava se u znak sjećanja na osnivanje Zemaljskog antifašističkog vijeća narodnog oslobođenja Sandžaka (ZAVNOS), u Pljevljima 1943. godine.

Na sjednici je govorio i načelnik Memić koji je podsjetio na važnost zajedništva Bošnjaka.





## Potpisan sporazum o saradnji općina Novi Pazar i Ilidža

**D**elegacija izvršne i zakonodavne vlasti Općine Ilidža 20. novembra 2017. godine posjetila je Novi Pazar. Predstavnici Novog Pazara goste su upoznali sa kulturno historijskim spomenicima i ljepotama ovog grada, ali i sa problemima sa kojima se susreću.

Gradonačelnik Novog Pazara Nihat Biševac i načelnik Općine Ilidža prof.dr. Senaid Memić potpisali su Sporazum o saradnji u oblasti kulture, sporta, privrede i obrazovanja.

“Ove dvije opštine treba da budu most saradnje između BiH i Srbije, a nama je ostavljena mogućnost da tu saradnju unaprijedimo kroz zvanične institucije lokalne samouprave. Sporazum o međusobnoj saradnji podrazumijeva da će Novi Pazar i Ilidža, koja je jedna od najuspješnijih opština u Bosni i Hercegovini, raditi zajedno na svim poljima, a naročito će se ta saradnja ogledati u kulturi, privredi, sportu i obrazovanju” izjavio je Biševac.

Prema njegovim riječima puno Sandžaklija živi na Ilidži i uspješni su privrednici koji će kako se nada ovu međusobnu saradnju unaprijediti.

“Poštujući zakonske okvire i demokratske principe dvije država, Novi Pazar i Ilidža će saradujući na institucionalnom nivou, potpisivanjem Sporazuma kao prvog koraka, realizovati niz zajedničkih projekata, čime ćemo potvrditi važnost ovog sporazuma, jer su mogućnosti za saradnju i povezivanje ljudi sa ovog prostora velike, naročito ako se ima u vidu uspjeh i potencijali privrednika. Razmijenit ćemo iskustva i zajedno doći do onoga što je na lokalnom nivou kod svakog od nas najbolje a korisno u partnerstvu”, izjavio je gradonačelnik Biševac, i poželio gostima da se u gradu osjećaju kao i u svojoj opštini.

Načelnik Općine Ilidža prof. dr. Senaid Memić naglasio je da se napredak Novog Pazara vidi, te da je oduševljen gostoprimstvom građana Novog Pazara.

Načelnik Memić je rekao da su najbolji put do uspjeha bratski odnosi i međusobna saradnja. A nije krio da ga je iznenadilo gostoprimstvo ljudi koji vode grad, a i svih građana koje je sreo.

“Potpisani dokument znači da krećemo u jednu lijepu priču. Potvrdili smo da ćemo slušati savjete o onome što



## Memić i Zindović: Naše namjere su da se povezujemo i pomažemo jedni drugima

**O**pštinu Prijepolje koja se nalazi na tromeđi Srbije, Bosne i Hercegovine i Crne Gore posjetila je 21. novembra 2017. godine delegacija Općine Ilidža. Dragoljub Zindović, predsjednik Opštine predstavio je privredne i razvojne potencijali ove lokalne zajednice.

Uspostavljanje i unaprijeđenje prijateljskih odnosa ove dvije općine, razmjena iskustava kao i dogovaranje oko konkretnih zajedničkih projekata bile su teme sastanka delegacija dvije općine koji je održan u Opštini Prijepolje.

“Naše namjere su da se povezujemo da pomažemo jedni drugima, a mogućnosti saradnje su velike, od sporta pa do privrede” rekao je načelnik Memić.

“Mi želimo da gradimo dobre odnose sa svim lokalnim zajednicama, kako sa zajednicama u našem okruženju, tako i šire, koje mogu da utiču na naš razvoj i na naš poslovni ambijent, kroz razne primjere dobre poslovne prakse i kroz rješavanje problema i poteškoća sa kojima se susreću sve lokalne zajednice, a sve u cilju unaprijeđenja života građana naših općina”, ocjena je Memića i Zindovića, tokom susreta u Prijepolju.

Prijepolje ima oko 35.480 stanovnika. Po popisu stanovništva iz 2011, nacionalnu strukturu stanovništva čine Srbi 52,6 posto Bošnjaci 44,08, te ostali 3,32 posto.

znate bolje, a da ćemo u oblastima gdje znamo malo bolje, pomoć nuditi vama”, dodao je načelnik Memić, istakavši da je potpisivanje sporazuma obostrano priznanje da je u proteklih 20 godina moglo biti učinjeno više na međusobnom povezivanju.

“Da nastavimo putem napretka, neophodno je da se saradnjom ali i bratski, povezujemo i pomažemo jedni drugima. Pozivam vas sve na zajedništvo da budemo primjer kako je moguće saradivati sa drugima i biti najbolji”, zaključio je u ime delegacije načelnik Općine Ilidža prof.dr. Senaid Memić.

Svečanom potpisivanju sporazuma Novog Pazara i Ilidže prisustvovali su odbornici Skupštine grada, rukovodstvo Novog Pazara, ali i vjećnici Općinskog vijeća Ilidža, kao i saradnici načelnika Memića.

Potpisivanju sporazuma o saradnji prethodila je zajednička sjednica članova Gradskog vijeća Novog Pazara i Općinskog vijeća Ilidže.



## Uskoro Centar za udomljavanje pasa na Ilidži

**P**redstavništvo Fondacije Dogs Trust u BiH 15. novembra 2017. je obilježilo pet godina svoje podrške u BiH te najavilo da će se na području općine Ilidža izgraditi jedan od najmodernijih centara za udomljavanje pasa u vrijednosti oko 20 miliona KM.

Izvršni direktor Fondacije Adrian Burder i načelnik Općine Ilidža prof.dr. Senaid Memić potpisali su Memorandum o razumijevanju, kojim su definirane smjernice za uspostavu navedenog centra.

U tom procesu Fondacija bi u potpunosti finansirala izgradnju, opremanje i rad centra, dok je Općina spremna Fondaciji bez naknade privremeno ustupiti pogodno zemljište na korištenje na najduži dozvoljeni zakonski period.

Načelnik Memić izjavio je da će Općina Ilidža dati i neograničen prostor za izgradnju centra.

“Ovaj projekat bi pomogao i lokalnu ekonomiju jer bi izgradnju i opremanje Centra, kao i redovno održavanje izvodili lokalni dobavljači i firme dok bi u centru bilo otvoreno oko 40 novih radnih mjesta“ rekao je direktor Burder, te dodao da je Fondacija odlučila i nakon pet godina ostati u BiH zbog odličnog tima u Sarajevu, kojem je izrazio veliku zahvalnost.

Dog Trust, sa sjedištem u Ujedinjenom Kraljevstvu, je jedna od najvećih fondacija koja pomaže psima, a od 1990. godine radi pod pokroviteljstvom kraljice Elizabete II.

“Poznat je njihov slogan „Pas je za cijeli život, a ne samo za Božić“. Djelatnici Fondacije stručnjaci su u svom polju rada te savjetuju vlade kako da rade na rješavanju problema pasa lualica na način koji je human i u skladu sa lokalnim zajednicama i standardima EU”, poručio je britanski ambasador u BiH Edward Ferguson na svečanosti povodom pete godišnjice Predstavništva Fondacije Dogs Trust u BiH.



## Održana javna rasprava o Nacrtu Regulacionog plana „Pejton“

**O**pćinsko vijeće Ilidža na devetoj redovnoj sjednici održanoj 26. oktobra 2017. godine utvrdilo je Nacrt Odluke o usvajanju i Nacrt Odluke o provođenju Regulacionog plana „Pejton“ i iste uputilo na javnu raspravu u trajanju od 30 dana. Tim povodom u prostorijama mjesne zajednice Centar Ilidža 28. novembra 2017. godine održana je javna rasprava o Nacrtu Regulacionog plana „Pejton“. Raspravi su prisustvovali stanovnici ovog naselja, privrednici, predstavnici Općine Ilidža i predstavnici Zavoda za planiranje razvoja Kantona Sarajevo. Nacrt Regulacionog plana je urađen u cilju preispitivanja prostornih mogućnosti za implementaciju sadržaja društvene infrastrukture, kao i mogućnosti za novu gradnju, nadziđivanje i legalizaciju objekata, uz obezbijedenje neophodne infrastrukture. Prisutni na raspravi su iznijeli niz primjedbi i prijedloga na Nacrt RP, a istaknuto je također da svi zainteresovani svoje primjedbe i prijedloge mogu u pisanoj formi dostaviti nadležnoj općinskoj službi na razmatranje. Po okončanju javne rasprave Zavod za planiranje razvoja Kantona Sarajevo kao nosilac izrade plana i Služba za prostorno uređenje Općine Ilidža podnijele izvještaj Općinskom vijeću o rezultatima javne rasprave i pripremiti prijedlog Odluke o usvajanju i provođenju Regulacionog plana „Pejton“.

## Potvrđen Certifikat EN ISO 9001: 2015

**O**pćina Ilidža je bila predmet nadzornog audita prema zahtjevima standarda EN ISO 9001:2015 i Sistema okolinskog upravljanja EN ISO 14001:2015. Nakon što je izvršen uvid u dokumentaciju, certifikacijska kuća „Tuvadria“ potvrdila je Općini Ilidža Certifikat standarda EN ISO 9001:2015 i Sistema okolinskog upravljanja EN ISO 14001:2015. Inače, implementacijom ovih sistema upravljanja unaprijeđuje se kvalitet pružanja usluga građanima i nastoji se uticati na svijest građana o okolinskom upravljanju. Općina Ilidža i dalje će biti efikasan servis u službi građana i u potpunosti će nastojati ispunjavati zahtjeve i očekivane potrebe svih njenih korisnika.





## Općina Ilidža izdala publikaciju Sa Igmana Ilidža se vidi - Ilidžanske ulice

Općina Ilidža izdala je knjigu “Sa Igmana Ilidža se vidi” urednice Fatime Prašo u kojoj su po abecednom redu predstavljene mjesne zajednice i ulice na području općine Ilidža.

“O svakoj ulici istaknute su najvažnije činjenice, biografski podaci, kao i ličnosti koje su imale privilegiju i čast dobiti svoju ulicu. Vrijednost knjige, kao što je i rekla recenzentkinja Amra Bojičić je u tome jer su u njoj sadržani podaci o nekim historijskim činjenicama, ličnostima koji još nisu lako dostupni široj čitalačkoj i informatičkoj generaciji. Hvala načelniku Općine Ilidža prof. dr. Senaidu Memiću bez čije podrške realizacija ove knjige ne bi bila moguća” izjavila je Prašo.

“U ovoj knjizi, po dostupnim saznanjima, ovjekovčila se biografija ličnosti po čijim imenima su ilidžanske ulice dobile nazive. Nadam se da će uskoro uslijediti temeljno istraživanje etimologije naziva ilidžanskih ulica, uslova i prilika njihovog nastanka kroz koje se jasno preslikavaju društveni odnosi i događaji vezani za razvoj Ilidže” dodao je načelnik Općine Ilidža prof. dr. Senaid Memić.



## Predstavnici Ekološkog udruženja “Aleja” zahvalni Općini Ilidža

Predstavnici Ekološkog udruženja “Aleja” posjetili su 13. novembra Općinu Ilidža, odnosno Službu za obrazovanje, kulturu, sport i informisanje Općine Ilidža.

Adis Delić, predstavnik udruženja uručio je pomoćniku načelniku Denisu Muhoviću zahvalnicu i poklon sat za nesebični doprinos u realizaciji svih njihovih projekata.

U ime ovog udruženja, zahvalili su načelniku prof.dr. Senaidu Memiću i Općini Ilidža za pruženu podršku u radu, istaknuvši da je Općina uvijek prepoznala značaj njihovih projekata i finansijski ih pomagala.



## Predstavnici “Sretno djetinjstvo” u posjeti Općini Ilidža

Predstavnici predškolske ustanove “Sretno djetinjstvo” posjetili su 24. novembra Općinu Ilidža. Načelniku Općine Ilidža prof.dr. Senaidu Memiću predstavili su rad ove ustanove u kojoj ima 70 mališana, te mu čestitali 25. novembar, Dan državnosti BiH.

Načelnik Memić je izrazio podršku radu ovoj ustanovi, istakavši da sva djeca trebaju imati kvalitetno mjesto za odrastanje.





## Predstavnici "BAŠLIJE" dostojni ambasadori u Pragu

Udruženje za očuvanje tradicije i razvoj kulturno-umjetničkog stvaralaštva „BAŠLIJA“ bilo je organizator i implementator odlaska folklorne sekcije na Deveti međunarodni festival folkloru u Pragu, koji je održan od 02.do 05. novembra 2017. Folklorna sekcija nastavnika KS, koji rade i djeluju u sklopu UTIKUS „BAŠLIJA“ bila je dostojan ambasador koji je na najbolji način predstavio rad ovog udruženja, Općinu Ilidža i BiH, kroz igru, običaje i sevdalinku. Na festivalu se predstavila i Iman Pašić, pobjednica Muzičkog festivala "Djeca pjevaju hitove Ilidža". S obzirom da je dio troškova odlaska na ovaj značajan festiva finansiran iz budžeta redovnih sredstava Općine Ilidža, u ime Udruženja predsjednik Džemo Hurić, zahvalio se općinskom načelniku prof. dr. Senaidu Memiću, kao i Službi za obrazovanje, kulturu, sport i informisanje.



## Druga osnovna najbolja u takmičenju "Upozoravanje na opasnost od mina"

Kantonalno takmičenje Crvenog križa iz programa "Upozoravanje na opasnost od mina" održano je 18.novembra 2017. godine u Osnovnoj školi Čengić Vila 1. Općinu Ilidža predstavljala je ekipa Druge osnovne škole koja je pokazala izuzetno znanje i u konkurenciji osam ekipa zauzela prvo mjesto. Ekipa Druge osnovne škole je time ostvarila pravo učešća na federalnom takmičenju iz ovog programa koje će se održati 02. decembra 2017. godine.

## Realizovan projekt "Eko radionica"

Eколошко удруženje "Aleja" realizovalo je projekat "Eko radionica 2017", koji je sufinansirala Općina Ilidža. Učesnici projekta bili su učenici Druge, Treće i Šeste osnovne škole Ilidža. Učesnicima projekta i školama dodijeljene se su zahvalnice i skromni pokloni.



## Koncertom u Osnovnoj muzičkoj školi obilježen rođendan Zoltana Kodalja, mađarskog kompozitor

Ambasada Mađarske u Sarajevu kao pokrovitelj, u saradnji sa Osnovnom muzičkom školom Ilidža, je 08. novembra 2017. godine u Koncertnoj dvorani Muzičke škole Ilidža svečanim koncertom obilježila 135 –tu godišnjicu od rođenja slavnog mađarskog kompozitora Zoltana Kodalja.

U čast ovom kompozitoru, učenici i profesori ove škole su pripremili program te su izvedena samo djela ovog kompozitora.

U punoj dvorani, pored roditelja učenika, koncert su popratili gosti Ambasade Mađarske u BiH, Ambasade Austrije u BiH, predstavnici općina Ilidža i Hadžići, kao i direktori osnovnih škola sa područja ovih općina.





## Aktivnosti Košarkaškog kluba "Ilidža"

Košarkaški klub "Ilidža" vrijedno radi. Ove sezone su za takmičenje prijavili osam timova, odnosno selekcija KK Ilidža. Cilj je da što većem broju djece omoguće takmičenja. Licencirali su oko 150 takmičara u muškoj i ženskoj kategoriji. Takmičenja će trajati od oktobra 2017. do aprila 2018. Kako nam je rekao Admir Sakoč, direktor KK "Ilidža" planiraju igrati i A l ligu za košarkašice, seniorke.

Projektom "Svi imaju pravo na igru!", planiramo, omasovljenje škole košarke KK "Ilidža", a cilj nam je dostići broj od 400 košarkaša i košarkašica, a planiramo i organizaciju minibasket lige za ilidžanske osnovce, kao i ulični basket za ilidžanske srednjoškolce. Tu je i učešće na Međunarodnim turnirima u Italiji, Matera i Milano, Hrvatskoj, Zagreb, i Francuskoj, Ren, te organizacija četiri kola Minibasket prvenstva Kantona Sarajevo. Između ostalog, projekt „Neppravilno držanje i deformiteti kičmenog stuba kod djece osnovnoškolskog uzrasta“, planiramo realizirati 3. decembra 2017." naglasio je Admir Sakoč, te dodao da su KK "Ilidža" učestvovali kao jedini predstavnici sa područja općine Ilidža, u takmičenjima koje je organizirao Košarkaški savez Kantona Sarajevo za mlade uzraste u sezoni 2016/2017 i to: minibasket, pioniri i kadeti u muškoj konkurenciji.

Odigrali su ukupno oko 60 zvaničnih utakmica. Prijavili su i dva tima za minibasket i pionirke u ženskoj konkurenciji. Članovi kluba lošeg socijalnog stanja, oslobodili su plaćanja mjesečne članarine. Za sve njihove stalne članove kluba, klub je obezbijedio sredstva i kupio i na poklon svim članovima darovao trening dresove, uz prisustvo naših „zlatnih reprezentativaca“, Čampare i Sikiraša. Ukupno je podjeljeno 350 kompletnih trening dresova. Bili su domaćini dva kola minibasket prvenstva Kantona Sarajevo za košarkaše i organizirali prvu minibasket utakmicu u Kantonu za košarkašice.

## Održan Memorijalni turnir u šahu "Hajrudin - Hajro Juković"

U prostorijama Šahovskog kluba "Igman" 5. novembra 2017. godine održan je Memorijalni turnir u šahu "Hajrudin - Hajro Juković". Na turniru je učestvovalo 14 igrača sa područja općine Ilidže. Igralo se po Bergerovom sistemu, svak sa svakim.

Prvo mjesto osvojio je Vehbija Gojak, drugo Aziz Čosović, treće Eldin Bučan, četvrto Džeko Škrijelj, te Mujo Bojadžija peti.



## Održan Četvrti memorijalni turnir u stonom tenisu "Aida Lušničkić"

U organizaciji Stono-teniskog kluba "Ilidža", a pod pokroviteljstvom Općine Ilidža 5. novembra u sali Sportskog centra na Stupu održan je Četvrti memorijalni turnir "Aida Lušničkić". Prvo mjesto zauzeo je Engin Nesimi, drugo Faruk Fočo, a treće Fejsal Habibija. Na turniru je učestvovalo 28 takmičara. Džemal Habibija predsjednik Skupštine Stono-teniskog kluba "Ilidža" izrazio je zahvalnost Općini Ilidža i svim takmičarima, kao i nadu da će turnir postati međunarodnog karaktera.





## Karate klub “Champion” najuspješniji na Državnom prvenstvu

**K**arate klub “Champion” Iliđa najuspješniji je klub na ekipnom Državnom prvenstvu za kadete, juniore, U21 i seniore, koje je održano 26. novembra 2017. godine u sportskoj dvorani Gimnazija Dobrinja, u organizaciji Karate saveza Bosne i Hercegovine.

Seniorska muška ekipa: Muhović Meris, Čongo Anes, Sarić Edin, Vatrić Ajdin, Suljić Jusuf, Galić Ervin i Škrijelj Haris, osvojili su prvo mjesto na ovom takmičenju. Također, prvi su bili i takmičari ovog kluba juniori ekipno: Elvin Hajderpašić, Mrdić Emir, Agović Mirnes i Suljić Ammar. Šampioni su bili i ekipno u borbama –U21 muškarci: Vatrić Ajdin, Zukić Ahmed Čaušević Džanan i Kramar Luka. Takmičarke KK Champion Iliđa bile su druge u kategoriji –U21 žene, a u sastavu ekipe su bile: Cemo Merisa, Šahović Ajla i Duraković Arnela.